

Hagnaður að fjárhæð 3,2 milljónir evra var af rekstri Eyrís Invest á fyrri hluta ársins 2010. Eigið fé 30. júní 2010 er 160 milljónir evra.

- Eigið fé er 160 milljónir evra og eiginfjárlutfall 38%.
- Laust fé og aðrar bankainnistæður nema 34 milljónum evra.
- Kjölfestueignarhlutir Eyrís í Marel og Össuri eru færðir samkvæmt hlutdeildaraðferð. Bæði félögin eru skráð á Nasdaq OMX Nordic. Ef stuðst er við markaðsvirði eigna í stað hlutdeildaraðferðar reiknast eiginfjárlutfall nú rétt rúmlega 40%.
- Horfur í rekstri Marels, Össurar og Stork eru góðar. Félögin eru með sterkt sjóðstreymi, trausta fjárhagsstöðu og hafa einnig styrkt samkeppnisstöðu sína enn frekar undanfarin ár. Fjármögnun þeirra eru í takt við alþjóðleg viðmið og eru nettó skuldir þeirra á bilinu 2-4x EBITDA.

Starfrækslumynt Eyrís Invest frá 1. janúar 2009 er evra. Kjölfestueignir Eyrís Invest eru í þremur leiðandi iðnfyrirtækjum; Marel, Össur og Stork. Að auki fjárfestir Eyrís Invest í ýmsum sprotafyrirtækjum og styður þau til vaxtar.

Eyrís Invest var stofnað 8. júní árið 2000 og fagnar því 10 ára afmæli sínu á árinu. Innra virði hlutabréfa reiknast í dag 15,9 evrucent á móti stofnverði 1,4 evrucent. Á sama tíma hefur MSCI heimsvísitala hlutabréfa að meðaltali lækkað um 5% árlega mælt í evrum, eða samtals um 41%.

Árni Oddur Þórðarson, forstjóri:

„Við erum ánægð með góðan rekstur hjá Marel, Össuri og Stork á fyrri hluta þessa árs. Stjórnendur og starfsmenn kjölfestueigna okkar hafa sýnt mikinn styrk og sveigjanleika á erfiðum tímum.

Við erum þakklát fyrir það traust sem fjármálastofnanir og fjárfestar hafa sýnt okkur. Eyrís hefur ávallt lagt mikla áherslu á skýra stefnu, gagnsæi í rekstri og langtíma fjármögnun hvort sem um er að ræða hjá félaginu sjálfu eða hjá kjölfestueignum okkar.

Marel, Össur og Stork hafa undanfarin ár skilað sterku sjóðstreymi án þess að draga úr fjárfestingum í rannsóknum og þróun og frekari markaðsaðgangi á heimsvísu. Með sterka markaðsstöðu á vaxandi mörkuðum og góða fjármögnun geta þau skapað mikið hluthafavirði á næstu árum.“

„Kaupa og styðja til vaxtar“ stefna Eyrís

Kjölfestueignir Eyrís Invest eru 32% hlutur í Marel, 15% hlutur í Össur og 17% hlutur í hollenska iðnaðarfyrirtækinu Stork, sem stendur í dag á tveimur leggjum; Stork Technical Services og Fokker Aerospace.

Eyrís hefur verið hluthafi í Marel og Össur síðan árið 2004 og í Stork síðan árið 2006. Félögin hafa á undanförunum árum þróast úr því að vera tæknilega fremst í það að vera jafnframt markaðsleiðandi, hvert á sínu sviði. Markaðsstaða og fjárhagsstyrkur fyrirtækjanna setur þau í góða stöðu til að skapa virði á næstu árum. Á árinu seldi Eyrís Invest 16,9 milljón hluti í Össuri, en er eftir sem áður annar stærsti hluthafi félagsins með ríflega 15% hlut.

Að auki fjárfestir Eyrís Invest í ýmsum sprotafyrirtækjum og styður þau til vaxtar. Á árinu seldi Eyrís 25% hlut sinn í Caldiris til Sabre Holdings sem keypti öll útgefin hlutabréf í Caldiris. Calidris þróar og markaðssetur hugbúnað til tekjustýringar hjá flugfélögum víða um heim.

Lykiltölur – Rekstrarreikningur

(í þús. evra)	2010/6m	2009/6m	2009	2008
Rekstrartekjur:				
Afkoma af verðbréfum og verðbréfaafleiðum	3.776	4.966	-9.512	40.914
Afkoma hlutdeildarféлага	4.663	5.657	-13.116	-4.247
Vaxtatekjur	8.289	9.095	17.821	19.253
Vaxtagjöld	-8.145	-8.187	-16.909	-21.455
Gengismunur	-4.612	910	183	-34.316
Hreinar rekstrartekjur	3.971	12.441	-21.533	149
Rekstrargjöld:				
Laun og launatengd gjöld	459	584	889	1.046
Annar rekstrarkostnaður	264	336	1.241	511
Rekstrargjöld	723	920	2.130	1.557
(Tap) hagnaður fyrir tekjuskatt	3.248	11.521	-23.663	-1.408
Tekjuskattur	0	0	0	10.235
Afkoma tímabilsins	3.248	11.521	-23.663	8.827
Rekstrarliðir færðir beint á eigið fé samtals	3.137	-479	-7.696	24.975
Heildarhagnaður tímabilsins	6.385	11.042	-23.663	33.802
Hagn. á hlut-evrucent (hver hlutur 1 ISK)	0,63	1,14	-2,00	1,00

Lykiltölur – Efnahagsreikningur

	2010/6m	2009	2008	2007
Eignir:				
Handbært fé og bundnar bankainnistæður	34.497	27.526	40.732	76.304
Fjárfestingaverðbréf	170.537	167.909	168.244	444.173
Hlutdeildarfélag	208.446	208.631	227.710	0
Aðrar kröfur	1.531	615	12.741	5.681
Rekstrarfjármunir	2.079	2.119	2.180	2.391
Eignir samtals	417.090	406.800	451.607	528.549
Eigið fé og skuldir:				
Eigið fé	159.854	153.469	184.185	198.829
Ýmsar skuldir	259	373	29.351	29.139
Tekjuskattsskuldbinding	0	0	0	19.128
Lántaka	256.977	252.958	238.071	281.453
Eigið fé og skuldir samtals	417.090	406.800	451.607	528.549
Eiginfjárlutfall	38,3%	37,7%	40,8%	37,6%

Marel og Össur eru stærstu skráðu félögin á Íslandi

Marel og Össur eru stærstu skráðu félögin á Nasdaq OMX Íslandi auk þess sem hlutabréf Össurar eru skráð í Kaupmannahöfn. Félögin eru einnig meðal stærstu útflutningsfyrirtækja á landinu.

- Hlutabréfaverð í Marel hefur hækkað um 72% á árinu, reiknað í evrum. Á síðastliðnu ári réðst Marel í hlutabréfaútgáfur sem hafa til viðbótar við gott sjóðstreymi og sölu á eignum utan kjarnastarfsemi styrkt fjárhagsstöðu félagsins verulega. Marel hefur einnig á árinu aukið sölu og skilað góðum rekstrarhagnaði.
- Össur tvíhliða skráði hlutabréf sín á Nasdaq OMX Kaupmannahöfn í þriðja ársfjórðungi 2009. Hlutabréfaverð Össurar hefur hækkað um 36% á árinu reiknað í bandaríkjadal. Össur hefur á árinu skilað söluaukningu og góðri afkomu.

Eignarhlutir Eyrís Invest í Marel og Össuri eru færðir samkvæmt hlutdeildaraðferð. Ef stuðst er við markaðsvirði eigna í stað hlutdeildaraðferðar reiknast eiginfjárlutfall nú rétt rúmlega 40% samanborið við 38% í árshlutauppgjöri Eyrís þann 30. júní 2010.

Horfur

Áfram er búist er við vexti umfram hagvöxt í þeim atvinnugreinum sem kjölfestueignir Eyrís eru staðsettar. Markaðsstaða og fjárhagsstyrkur fyrirtækjanna setur þau í góða stöðu til að njóta þess vaxtar.

Frekari upplýsingar veitir

Árni Oddur Þórðarson, forstjóri Eyrís Invest ehf.

Sími: 525-0200

www.eyrir.is